

## Satane, Sera se Hlotsoeng



---

### SABATHA MANTSIBOEA

#### **Bakeng sa thuto ea Beke ena, Bala:**

Tšenolo 12; Gen. 3:15; Esa. 14:12–15; Dan. 7:23–25; 2 Ba-Thess. 2:8–12; Tšen. 13:13, 14; 19:20.

#### **Temana ea Khopolo:**

“Ba mo hlotse ka mali a Konyana, le ka lentsoe la bopaki ba bona; ’me ha ba ka ba re letho ka bophelo ba bona, le ho isa lefung” (Tšenolo 12:11).

**T**šenolo 12 e qala ka nako ea ho qetela ea buka. Ha halofo ea pele ea buka e hlalosa mathata a semoea a kereke lefatšeng le lebe nalaneng eohle ea Bokreste, halofo ea bobeli e shebana le liketsahalo tse isang ho khutleng la bobeli le ’muso oa Molimo. Sepheo sa khaolo ea 12 ke ho re fa setšoantšo se seholo sa tlokotsi ea ho qetela ea nalane ea lefatše. E re bolella hore liketsahalo tsa nako ea ho qetela ke karolo ea ntoa e ntseng e tsoela pele lipakeng tsa Krete le Satane.

Bukeng ea Tšenolo, Satane ke sera se seholo sa Molimo le sechaba sa Molimo. Boteng ba hae ke taba ea ’nete, ’me o eme ka mora bobele bohle le bokoinihi tlholehong. Oa tseba hore monyetla oa hae oa ho atleha khahlanong le a Molimo ke ho hapa ntoa ea ho qetela. Joale o lokisetsa ka matla ohle a hae ketsahalo eo.

Pono ea Tšenolo 12 e ne e reretsoe ho fa bana ba Molimo tiisetso ea hore Satane ke sera se hlotsoeng. Eena Krete ea hlotseng Satane nakong ea bosebeletsi ba hase lefatšeng, sefapanog, le ka mora nyolohelo ea hae, o tla mo hlola hape nakong ea ho qetela. Ka hona, tšepo ea bana ba Molimo ba nako ea ho qetela e fumanoa ho Krete fela.

*\*Ithute thuto ea beke ena ho lokisetsa Sabatha, 23 Hlakola.*

## Mosali le Dragone

**Bala Tšenolo 12:1–4. Johanne o bone liponong tsa hae litšoantšo tse peli tse kholo, sa pele e le sa mosali eo e neng e le moimana oa ngoana oa moshanyana. Mosali ke mang, 'me temana e ruta eng?**

---

Mosali ka Bibeleng u sebelisoa e papiso ea sechaba sa Molimo (2 Ba-Kor. 11:2): mosali ea hloekileng o emela balumeli ba tšepahalang, ha seotsoa se emela balumeli ba koenihileng. Pele ho sefapano, mosali ea ho Tšenolo 12 pele o ne a tšoantša Iseraele oa Testamente ea Khale, eo ka eena Messia a ileng a tla lefatšeng (Tšen. 12:1–5); litemaneng tsa 13–17 o emela kereke ea Bokreste. Mosali enoa o hlaha a apere letsatsi 'me a eme holima khoeli. Letsatsi ka Bibeleng le ka bolela khanya ea Krete (Matt. 17:2, Tšen. 1:16) le ea batho ba hae (Matt. 13:43). Khoeli, joalo kaha e nka khanya letsatsing, e supa litšepiso tsa Testamente ea Khale tse okametseng Evangeli.

Setšoantšo se latelang seo Johanne a se boneng ponong e ne e le sa dragone e kholo e khubelu. Dragone eo ha morao e hlalosoang e le diabolosi le Satane, noha ea khale (Tšen. 12:9). Temana e re mohatla oa hae o ne hulanya karolo ea boraro ea linaleli tsa leholimo ho li lahlela lefatšeng. Mohatla ke papiso ea tšebeliso ea thetso (Esa. 9:14, 15; Tšen. 9:10). Ka ho oela boemong bo phahameng ba hae leholimong (Esa. 14:12–15), Satane o ile a khona ho hohela karolo e kholo ea mangeloi a leholimo, a ileng a fetoha meea e mebe (2 Pet. 2:4, Juda 6) le ho ba basebetsi le eena ho hanyetsa Molimo le mosebetsi oa hae oa pholoho naleng eohle ea toantšano e kholo.

**Bala Tšenolo 12:1–5. Dragone e hlalosoa e le “noha ea khale” (sheba Tšen. 12:9). Ke khokahano efe e teng tsa Genese 3:15 le pono ea noha ea khale e batlang ho timetsa peo ea mosali?**

---

Ho tloha qalong, Satane o ne a emetse Messia-ngoana hora tle a tsoaloe e le hore a tle a mo timetse. Pono eohle e qetella ka liketsahalo tse khutšoanyane mona le mane: Messia a tsoaloe qetellong, dragone ea se ka ea khona ho mo timetsa, 'me ngoana a tsoaloe “a nkeloa ho Molimo le teroneng ea oona” (Tšenolo 12:5).

**Ho latela Tšenolo 12:11, ke joang bana ba Molimo ba ka hlolang Satane maphelong a bona? Ke joang tlhoho ea Jesu holima Satane e u fang matšeliso mathateng a hao a semoea le sebe?**

## Satane o lelekela Ruri Leholimong

**Bala Tšenolo 12:7–9, e buang ka ntoa leholimong. Semelo sa ntoa e ne e le sefe e ileng ea ba ea isang ho lelekoeng ha Satane leholimong?**

Satane o ile a lelekela leholimong qalehong ea ntoa e kholo, ha koeneha khahlanong le 'muso oa Molimo. O ne a batla ho ka ikhaphela terone leholimong le ho ba “joalo ka Mookameli ea phahameng” (Esa. 14:12–15). A ema khanyetsanong e totobetse khahlanong le Molimo empa a hloloa 'me a lahleloa lefatšeng. Ka ho thetsa banyalani ba pele, a inkela puso ka matla holima lefatše (Luka 4:6). E le morena oa lefatše lena (Johanne 12:31), o ne a na le ho kena lekhotleng la leholimo e le moemeli oa lefatše lena (Jobo 1:6–12). Leha hole joalo, e sa le a lelekela, Satane le mangeloi a hae a oeleng ba koalletsoe lefatšeng e le teronko, ho fihlela ba fumana kotlo ea bona (2 Pet. 2:4, Juda 6).

Ho sa le joalo, ka lefu la hae, Jesu o pholositse se neng se lahlehile, 'me semelo sa 'nete sa Satane se ile sa utolloa ka pel'a tlhohleho eohle. “Satane a bona hore boikhakanyo ba hae bo tloisitsoe. Botsamaisi ba hae bo beiloe pooaneng pela mangeloi a sa oelang le pela bohle ba maholimong. O itšenotse e le 'molai. Ka ho tšolla mali a Mora oa Molimo, o itelekile ka hohle-hohle kutloelo bohlokong ea libopuo tsa leholimo. Ho tloha nakong eo mosebetsi oa hae oa khinoa.”—Ellen G. White, *The Desire of Ages*, p. 761. Kapele ho tlhohleho eohle, ho busoa ha lefatše ha tlosoa ho Satane ho ea ho Jesu, 'me a phatlalatsoa e le ena morena ea loketseng ho busa lefatše (Ba-Efese 1:20–22, 1 Pet. 3:22).

E bile ka nako eo Satane le bo-mphato ba hae ba ileng ba lelekela ntle leholimong. Jesu o ile a bolela ketsahalo ena e sa le pele ka hore: “‘Joale, e se e le kahlolo ea lefatše lena; joale, morena oa lefatše lena o tla lelekela ntle’” (Johanne 12:31). Ka kahlolo ena holima Satane, “‘joale ho hlahile poloko, le matla, le 'muso oa Molimo oa rōna, le matla a Kreste oa oona’” (Tšen. 12:10). Ho fihlela letsatsing leo, o ntse a na le matla a lekanyelitsoeng ho ka utloisa bana ba Molimo bohloko lefatše ka ho hlakomela hore “nako ea hae e se e se kae” e setseng (Tšen. 12:12). Empa leha nako ea hae ruri e le “khutšoanyane,” o etsa sohle se matleng a hae ho baka bohloko, matšoenyeho, le tlakotsi lefatšeng.

**Tšenolo 12:11 e ruta eng ka tsela e le 'ngoe feela ea rōna ho ka itšireletsa khahlanong le diabolose?**

## Ntoa Lefatšeng

**Bala Tšenolo 12:13, 14. Ha a se a thibetsoe leholimong, Satane o tsoela pele ho hlasela kereke ka nako ea boporofeta ea matsatsi a 1,260. Ke joang Molimo a ileng a nka karolo le kereke ka nako eo?**

---

“Ho lahleloa tlase ha Satane e le mongosi oa bana ba bo rōna leholimong ho ile ha phethoa ke mosebetsi o moholo oa Krete ka ho fana ka bophelo ba hae. Ho sa natsoe khanyetso e kholo ea Satane, morero oa topollo o il’ a ntšetsoa pele. . . . Satane, ka ho tseba hore ’puso eo a e hapileng ka likhoka qetellong o tla e amohuo ka ntoa, o ikemiselitse ho senya ka bongata bo ka khonehang libopuo tseo Molimo a li entseng ka setšoantšo sa hae. O hloile motho ka hobane Krete o hlahisitse ho eena lerato le lekaalo le tšoareleng le kutloelo bohloko, ’me joale o itokiselitse ho ikoetlisetsa ho eena ka mefuta eohle ea thetso e le hore a tle a lahlehe; o ntšetsa pele tšebetso ea hae ka matla ohle ka lebaka la ho hloka tšepo ha hae.”—Ellen G. White, *The Spirit of Prophecy*, vol. 3, pp. 194, 195.

Haho tika-tiko, Satane o ntšetsa pele mosebetsi oa hae lefatšeng ka ho tšollela khalefo ea hae khahlanong le bao eleng lithatohatsi tsa Krete lefatšeng—kereke. Leha hole joalo, kereke e fumana tšireletso ea leholimo lefelleng ka nako ea matsatsi a boporofeta a 1,260 e emetse ho khutla ha Krete. Nako ea litlhoriso tsa Satane e boleloa habeli ho Tšenolo 12 ka mokhoa oa matsatsi a 1,260 (Tšen. 12:6) le “ka nako, le linako tse nang le lahare la nako” (Tšen. 12:14). Bobeli li supoa nako ea mesebetsi ea lenakana leo ho buuoang ka lona ho Daniele 7:23–25. Ka hara Bibe, matsatsi a boporofeta a tšoantša lilemo. Nako nalaneng e lumellanang hantle le nako ena ea boporofeta ke A.D. 538–1798, eo ka eona kereke ea Roma, ka matla ao e a filoeng, e ileng ea busa lefatše la bophirimela ho fihlela liketsahalo tsa Nchafatso ea Fora li fihlisa qetellong matla a khatello a Roma, bonyane, ha nakoana.

Ho phetheloeng ha nako ea boporofeta ea mosali lefelleng, Satane o nchafatsa tlhaselo ea hae ho timetsa Kereke ea Molimo. Dragone e phutšalatsa sekhhohola sa metsi e le ho timetsa mosali. Moroallo oa metsi ka Bibeleng hangata ke papiso ea litlhoriso (Esa. 59:19). Motsotsong ona, lefatše le nang le setsoalle le koenya metsi le ho pholosa mosali, ho fana ka sebaka sa polokeho bakeng sa hae.

**Nahana ka moo litlhoriso tsena mona li nkileng nako e telele kateng, lilemo tse 1,260. Sena se lokela ho re bolella eng ka hore na re fokola ha kae ho ka utloisisa hore na ke hobaneng lintho, joalo ka ho khutla ha Krese, li ka bonahalang li nka nako e telele, bonyane ka chebo ea rōna?**

## Ntoa Khahlanong le Masala

**Bala Tšenolo 12:17. Nakong e aho qetela, Satane o loantša mang?**

---

Lentsoe phomolo, kapa masala, le hlalosa bao ba setseng ba tšepahetse ho Molimo ha boholo bo koeha (1 marena 19:18, Tšen. 2:24). Qetellong ea nako, ha boholo ba batho lefatšeng baka lehlakore le Satane, ho tla ba le batho ba salang ba tšepahetse ho Krete le ho tobana le khalefo e feletseng ea Satane.

**Ke limelo life tse peli tsa Masala ho Tšenolo 12:17? Ke joang motho a ka kholisehang hore ke karolo ea masala a nako ea ho qetela?**

---

Masala a nako ea ho qetela a boloka molao oa Molimo. Tšenolo 13 e botša hore letlapa la pele la melao e shome e tla ba khubu ea ntoea ea nako ea mapomela. Ntlha ea bohlokoa ea melao e mene ea pele ke khumamelo. Taba e tla ba ka sehlohong tlokotsing ea ho qetela ke hore na ke mang eo re lokelang ho mo khumamela. Ha batho ba lefatše ba tla khetha ho rapela setšoantšo sa sebata, masala a tla rapela Molimo 'mopi (Tšen. 14:7), 'me molao oa bone o supa ho Molimo e le 'mopi oa rōna, e leng lebaka le leng leo re lumelang hore molao ona o tla bapala karolo e kholo tlokotsing ea ho qetela.

Hape, masala a nako ea ho qetela semelo sa bobeli sa oona ke hore “ba na le bopaki ba Jesu” (Tšen. 19:10), boo temana e tšoanang e bo hlalolang e le “moea oa boporofeta.” Matsatsing a Johanne, polelo “moea oa boporofeta” e ne e bolela neo ea boporofeta. Poleloana “bopaki ba Jesu” e supa ho Jesu ea ipakahatsang ka neo ea boporofeta, joalo ka ha a entse ka Johanne (Tšen. 1:2). Tšenolo e bontša hore nakong ea ho qetela, batho ba Molimo ba tla ba neo ea ho porofeta mahareng a bona, ho ba tataisa linakong tse thata, joalo ka ha Satane a tla etsa liteko tsohle ho ba thetsa le ho timetsa. Rōna, re le Baleti, re filoe neo eo ka bosebeletsi ba lingoloa tsa Ellen G. White.

**U bona eng e le tse ling tsa maseli a maholo ao re a filoeng ka “moea oa boporofeta”?  
Ke boikarabello bofe boo neo ee e bo behang holima rōna, ka bo mong le ha re le kereke?**

---

## Morao oa Satane oa Nako ea ho Feela

Tšenolo 12:17 e tšoea phetoho leanong la ha a leka ho hapa batho ba lefatše, le hona ho thetsa balateli ba tšepahalang ba Jesu. Hohle nalaneng ea Bokreste o lekile ho thibela mosebetsi oa Molimo oa pholoho, haholo ka mokhoa oa likhoka le lithloriso. Nalane e bontša hore leano lena ha le ea ka la atleha hantle. Leha hole joalo, ho lokisetsa tlhaselo ea ho qetela ea masala a nako ea ho qetela, Satane kenyeletsa leanong la hae la likhoka karolo e kholo ea thetso. Phetoho ena leanong la Satane e lumellana le ho tloha ho shebang tsa nalane ho ea ho tsa nako ea ho qetela.

Ho hlakile hore lentsoe Thetsa ha le hlahe karolong ea nalane ea Tšenolo (Tšenolo 4–11). Leha hole joalo, le sebelisoa hangata karolong ea liketsahalo tsa mehla ea mefelo (Tšenolo 12–20) ho hlalosing liketso tsa nako ea ho qetela tsa Satane ho lokisetsa ntoa ea ho qetela. Lentsoe thetsa le qala ho (Tšen. 12:9) le ho qetella ho (Tšen. 20:7–10) tlhalosong ea tšebetso ea Satane ea nako ea ho qetela ho Tšenolo.

**Bala 2 Ba-Thesalonika 2:8–12 'moho le Tšenolo 13:13, 14 le 19:20. Semelo sa thetso ea nako ea ho qetela sefe?**

Tšenolo 13–20 e bontša Satane, eo, ka boikemisetso ba ho hapa tšepo ea lefatše, a thakholang seka-nnete ea Molimo le ka pholoho hae ea mamphelipheli lefatšeng. Ho Tšenolo 13, kopano ea boraro ea thehoa lipakeng tsa dragon le bo mphato oa hae ba babeli: sebata se tsoang leoaletlen (Tšen. 13:1–10) le sebata se tsoang lefatšeng (Tšen. 13:11–18). Boraro bona ba satane bo ema khahlanong le boraro ba Molimo (Tšen. 1:4–6). Karolong eohle e qetellang buka, litho tsa boraro bona ba Satane bokopane ka tsela e sa aroleheng ho thibeleng mosebetsi oa Molimo lefatšeng le ho thetsa batho, e le ho ba khutlisa le ho furalla Molimo le ho nka lehlakore le Satane tlokotsing ea ho qetela (Tšen. 16:13, 14; 19:20; 20:10). Tšenolo e bontša hore thetso ea nako ea ho qetela e tla kholo hoo batho ba bangata ba hoheloa.

**Habeli ho Tšenolo memo e etsoang bakeng sa bohlae le tlhalohanyo ea semoea e le ho hlalohanya le ho hanela liketso tsa nako ea ho qetela tsa thetso Satane (Tšen. 13:18, 17:9). Ke mofuta ofe oa bohlae oo ho buuoang ka oona moo? Ho latela Jakobo 1:5, ke joang re ka fumanang bohlae boo?**

### **Khopolo e Eketsehileng:**

Bala Ellen G. White, “Snares of Satan,” pp. 518–530, ho *The Great Controversy*. Sepheo sa Tšenolo 12, sa pele pele, ke ho bolella batho ba Molimo hore liketsahalo tsa nako ea bofelo ke karolo ea ntoa e kholo lipakeng tsa Kreste le Satane le matla a matemona. Buka e ba hlokomelisa ka seo ba tobaneng le sona kajeno le seo ba tlo thulana le sona ka mokhoa o boima ka moso—sera se nang le maiphihlelo le se khopo. Paulose oa re hlokomelisa ka tšebetso ea ho qetela “ea Satane”, ka matla ohle. Le meeka, mehlolo ea bohata, le ka thetso eohle ho ba timelang, hobane ha ba ea ka ba amohela lerato la ’nete, hore bat le ba bolokehe” (2 Ba-Thess. 2:9, 10). Tšenolo e re khothaletsa ho nka bokamoso kannete le ho itšetleha ho Molimo e le eena oa pele. Ka lehlakoreng le leng, Tšenolo e re tiisetse hore leha Satane e le sera se matla se nang le maiphihlelo, ha a matla ho lekana ho ka hlola Kreste (sheba Tšen. 12:8). Ho batho ba Molimo, tšepo e ka fumanoa ho eo feela eo nakong e fetileng a ileng a hlola satane le matemona a hae. ’Me o tšepisitse And ho ba le balalteli ba hae ba tšepahalang “ ‘kamehla, le ho isa lipheletsong tsa lefatše’ ” (Matt. 28:20).

### **Lipotso tsa Puisano:**

**1. Re le ma-Seventh-day Adventists, re ipona re le ba phethahatsang limelo tsa Masala a nako ea ho qetela. Ah! Monyetla o mokakang! Hape, ke boikarabello bobo kakang. (Sheba Luka 12:48.) Hobaneng re lokela ho ba hlokolosi, leha hole joalo, ho se nahane hore mosebetsi ona o fana ka tiisetso bakeng sa pholoho ea rōna?**

**2. “Re bua haholo ka matla a Satane. Ke ’nete hore Satane ke sebopuo se matla; empa ke leboha Molimo ka mopholosi ea matla ka ho fetisa, ea ileng a lelekela e mobe kante ho leholimo. Re bua ka sera sa rōna, re rapela ka sona, re nahana ka sona; ’me a ba moholo ke ho loba-loba khopolong tsa rōna. Joale hobaneng re sa bue le Jesu? Hobaneng re sa nahane ka matla a hae le lerato la hae? Satane o thabisoa ke ha phahamisa matla a hae. Tšoarang Jesu, le nahane kja eena, ’me ka ho tiisetse teng, re tla fetohela setšoantšong sa hae.”—Ellen G. White, *Advent Review and Sabbath Herald*, March 19, 1889. Ke ka litsela life Bakreste ba phahamisang matla a Satane? Ka lehlakoreng le leng, ke kotsi li fe tse teng e seng ho latoleng bonnete ba matla a Satane empa le ho boteng ba hae hape?**